


品類足論

籍

才十六

三百六十二
友六

50346



阿毗達磨品類足論卷第十六

友

尊者世友造

三藏法師

玄奘奉

詔譯

辯千問品第七之七

此十二處與六善處相攝者六善處攝四處
少分四處少分亦攝六善處與五不善處相
攝者五不善處攝四處少分四處少分亦攝

五不善處與七無記處相攝者七無記處攝
八處四處少分八處四處少分亦攝七無記
處與三漏處相攝者三漏處攝一處少分一
處少分亦攝三漏處與五有漏處相攝者五
有漏處攝十處二處少分十處二處少分亦
攝五有漏處與八無漏處相攝者八無漏處

攝二處少分二處少分亦攝八無漏處幾過
去等者十一或過去或未來或現在一應分
別謂法處若有爲或過去或未來或現在若
無爲非過去非未來非現在幾善等者八無
記四應分別謂色處或善或不善或無記云
何善謂善身表云何不善謂不善身表云何
無記謂除善不善身表諸餘色處聲處或善
或不善或無記云何善謂善語表云何不善
謂不善語表云何無記謂除善不善語表諸
餘聲處意處或善或不善或無記云何善謂
善作意相應意處云何不善謂不善作意相
應意處云何無記謂無記作意相應意處法

處或善或不善或無記云何善謂法處所攝
善身語業及善受想行蘊并擇滅云何不善
謂法處所攝不善身語業及不善受想行蘊
云何無記謂無記受想行蘊及虛空非擇滅
幾欲界繫等者二欲界繫十應分別謂眼處
或欲界繫或色界繫云何欲界繫謂欲界大
種所造眼處云何色界繫謂色界大種所造
眼處色耳聲鼻舌身處亦亦觸處或欲界繫
或色界繫云何欲界繫謂欲界四大種及欲
界大種所造觸處云何色界繫謂色界四大
種及色界大種所造觸處意處或欲界繫或
色界繫或無色界繫或不繫云何欲界繫謂

欲界作意相應意處云何色界繫謂色界作
意相應意處云何無色界繫謂無色界作意
相應意處云何不繫謂無漏作意相應意處
法處或欲界繫或色界繫或無色界繫或不
繫云何欲界繫謂法處所攝欲界身語業及
欲界受想行蘊云何色界繫謂法處所攝色
界身語業及色界受想行蘊云何無色界繫
謂無色界受想行蘊云何不繫謂無漏身語
業及無漏受想行蘊并三無為幾學等者十
非學非無學二應分別謂意處或學或無學
或非學非無學云何學謂學作意相應意處
云何無學謂無學作意相應意處云何非學

非無學謂有漏作意相應意處法處或學或
無學或非學非無學云何學謂學身語業及
學受想行蘊云何無學謂無學身語業及無
學受想行蘊云何非學非無學謂法處所攝
有漏身語業及有漏受想行蘊并虛空二滅
此十二處幾見所斷等者十修所斷二應分
別謂意處或見所斷或修所斷或非所斷云
何見所斷謂意處隨信隨法行現觀邊忍所
斷此復云何謂見所斷八十八隨眠相應意
處云何修所斷謂意處學見迹修所斷此復
云何謂修所斷十隨眠相應意處及不染汚
有漏意處云何非所斷謂無漏意處法處或

見所斷或修所斷或非所斷去何見所斷謂
法處隨信隨法行現觀邊忍所斷此復去何
謂見所斷八十八隨眠及彼相應法處并彼
等起心不相應行去何修所斷謂法處學見
迹修所斷此復去何謂修所斷十隨眠及彼
相應法處并彼等起無表身語業心不相應
行若不染汚有漏法處去何非所斷謂無漏
法處幾非心等者十非心非心所非心相應
一唯是心一應分別謂法處若有所緣是心
所與心相應若無所緣非心非心所非心相
應幾隨心轉非受相應等者十非隨心轉非
受相應一受相應非隨心轉一應分別謂法

處或隨心轉非受相應或隨心轉亦受相應
或非隨心轉非受相應隨心轉非受相應者
謂隨心轉身語業心不相應行及受隨心轉
亦受相應者謂想蘊及相應行蘊非隨心轉
非受相應者謂除隨心轉身語業心不相應
行諸餘身語業心不相應行及無爲法幾隨
心轉非想行相應等者除其自性如受應知
幾隨尋轉非伺相應等者十非隨尋轉非伺
相應二應分別謂意處或有尋有伺或無尋
唯伺或無尋無伺去何有尋有伺謂有尋有
伺作意相應意處去何無尋惟伺謂無尋惟
伺作意相應意處去何無尋無伺謂無尋無

伺作意相應意處法處有四句或隨尋轉非
伺相應謂隨尋轉身語業心不相應行及尋
相應伺或伺相應非隨尋轉謂尋及尋不相
應伺相應心所法或隨尋轉亦伺相應謂尋
伺相應心所法或非隨尋轉非伺相應謂除
隨尋轉身語業心不相應行諸餘身語業心
不相應行及尋不相應伺并無尋無伺心所
法若無為法幾見非見處等者一見亦見處
九見處非見二應分別謂意處若有漏是見
處非見若無漏非見處非見法處有四句或
見非見處謂盡無生智所不攝無漏慧或見
處非見謂見所不攝有漏法處或見亦見處

謂五染汚見世俗正見或非見非見處謂見
所不攝無漏法處幾有身見爲因非有身見
因等者八非有身見爲因非有身見因四應
分別謂色處若染汚有身見爲因非有身見
因若不染汚非有身見爲因非有身見因聲
處亦尔意處或有身見爲因非有身見因或
有身見爲因亦有身見因或非有身見爲因
非有身見因有身見爲因非有身見者謂除
過去現在見苦所斷隨眠相應意處亦除過
去現在見集所斷徧行隨眠相應意處亦除
未來有身見相應意處諸餘染汚意處有身
見爲因亦有身見因者謂前所除意處非有

身見爲因非有身見因者謂不染汚意處法
處或有身見爲因非有身見因或有身見爲
因亦有身見因或非有身見爲因非有身見
因有身見爲因非有身見因者謂除過去現
在見苦所斷隨眠及彼相應俱有等法處亦
除過去現在見集所斷徧行隨眠及彼相應
俱有法處亦除未來有身見相應法處亦除
未來有身見及彼相應法生老住無常諸餘
染汚法處有身見爲因亦有身見因者謂前
所除法處非有身見爲因非有身見因者謂
不染汚法處幾業非業異熟等者一切應分
別謂眼處或業異熟非業或非業非業異熟

業異熟非業者謂異熟生眼處諸餘眼處非
業非業異熟耳聲鼻香舌味身觸意處亦尔色
處或是業非業異熟或業異熟非業或非業
非業異熟是業非業異熟者謂身表業異熟非
業者謂業異熟生色處非業非業異熟者謂
除業及業異熟色處諸餘色處聲處或是業
非業異熟或非業非業異熟是業非業異熟
者謂語表諸餘聲處非業非業異熟法處有
四句或業非業異熟謂法處所攝身語業及
異熟所不攝思或業異熟非業謂思所不攝
業異熟生法處或業亦業異熟謂異熟生思
或非業非業異熟謂除業及業異熟法處諸

餘法處幾業非隨業轉等者八非業非隨業
轉一隨業轉非業三應分別謂色處或是業
非隨業轉或非業非隨業轉是業非隨業轉
者謂身表諸餘色處非業非隨業轉聲處或
是業非隨業轉或非業非隨業轉是業非隨
業轉者謂語表諸餘聲處非業非隨業轉法
處有四句或業非隨業轉謂除隨業轉身語
業諸餘法處所攝身語業及思或隨業轉非
業謂受蘊想蘊及思所不攝隨業轉行蘊或
業亦隨業轉謂隨業轉身語業或非業非隨
業轉謂除業及隨業轉法處諸餘法處或所
造色非有見色等者有三句或所造色非有

見色謂八處及二處少分或所造色亦有見
色謂一處或非所造色非有見色謂一處及
二處少分

此十二處幾所造色非有對色等者有四句
或所造色非有對色謂一處少分或有對色
非所造色謂一處少分或所造色亦有對色
謂九處一處少分或非所造色非有對色謂
一處一處少分幾難見故甚深等者一切難
見故甚深甚深故難見幾善非善為因等者
一切應分別謂眼處或善為因非善或非善
非善為因善為因非善者謂善異熟生眼處
諸餘眼處非善非善為因耳鼻舌身觸

處亦介色處或善為因非善或善亦善為因
或非善非善為因善為因非善者謂善異熟
生色處善亦善為因者謂善色處非善非善
為因者謂除善異熟生色處諸餘無記及不
善色處意處亦介聲處或善亦善為因或非
善非善為因善亦善為因者諸善聲處諸餘
聲處非善非善為因法處有四句或善非善
為因謂擇滅或善為因非善謂善異熟生法
處或善亦善為因謂善有為法處或非善非
善為因謂除善異熟生法處諸餘無記及不
善法處幾不善非不善為因等者一切應分
別謂眼處或不善為因非不善或非不善非

不善爲因不善爲因非不善者謂不善異熟
生眼處諸餘眼處非不善非不善爲因耳鼻
香舌味身觸處亦亦色處或不善爲因非不
善或不善亦不善爲因或非不善非不善爲
因不善爲因非不善者謂不善異熟生色處
不善亦不善爲因者謂不善色處非不善非
不善爲因者謂除不善異熟生色處諸餘無
記及善色處聲處或不善亦不善爲因或非
不善非不善爲因不善亦不善爲因者謂不
善聲處諸餘聲處非不善非不善爲因意處
或不善爲因非不善或不善亦不善爲因或
非不善非不善爲因不善爲因非不善者謂

不善異熟生意處及欲界有身見邊執見相
應意處或不善亦不善為因者謂不善意處
非不善非不善為因者謂除不善異熟生意
處及除欲界有身見邊執見相應意處諸餘
無記及善意處法處或不善為因非不善或
不善亦不善為因或非不善非不善為因不
善為因非不善者謂不善異熟生法處及欲
界有身見邊執見并彼相應法處若彼等起
心不相應行不善亦善為因者謂不善法處
非不善非不善為因者謂除不善異熟生法
處及除欲界有身見邊執見并彼相應法處
若彼等起心不相應行諸餘無記及善法處

幾無記非無記爲因等者八無記亦無記爲
因緣應分別謂色處或無記爲因非無記或
無記亦無記爲因或非無記非無記爲因無
記爲因非無記者謂不善色處無記亦無記
爲因者謂無記色處非無記非無記爲因者
謂善色處聲意處亦卽法處有四句或無記
非無記爲因謂虛空非擇滅或無記爲因非
無記謂不善法處或無記亦無記爲因謂無
記有爲法處或非無記非無記爲因謂善法
處幾因緣非有因等者十一是因緣亦有因
一應分別謂法處若有爲是因緣亦有因若
無爲非因緣非有因幾等無間非等無間緣

等者十非等無間非等無間緣二應分別謂
意處或是等無間非等無間緣或是等無間
亦等無間緣或非等無間非等無間緣是等
無間非等無間緣者謂未來現前正起意處
及過去現在阿羅漢命終時意處是等無間
亦等無間緣者謂除過去現在阿羅漢命終
時意處諸餘過去現在意處非等無間非等
無間緣者謂除未來現前正起意處諸餘未
來意處法處或是等無間非等無間緣或是
等無間亦等無間緣或非等無間非等無間
緣是等無間非等無間緣者謂未來現前正
起諸心所法及過去現在阿羅漢命終時諸

心所法并已生正起無想滅定是等無間亦
等無間緣者謂除過去現在阿羅漢命終時
諸心所法諸餘過去現在諸心所法非等無
間非等無間緣者謂除未來現前正起諸心
所法諸餘未來心所法及除等無間心不相
應行諸餘心不相應行并身語業虛空二滅
幾所緣緣非有所緣等者十所緣緣非有所
緣一切緣緣亦有所緣一應分別謂法處若
諸心所是所緣緣亦有所緣若非心所是所
緣緣非有所緣幾增上緣非有增上者十
一是增上緣亦有增上一應分別謂法處若
有爲是增上緣亦有增上若無爲是增上緣

非有增上幾暴流非順暴流等者十順暴流
非暴流二應分別謂意處若有漏順暴流非
暴流若無漏非暴流非順暴流法處或順暴
流非暴流或暴流亦順暴流或非暴流非順
暴流順暴流非暴流者謂暴流所不攝有漏
法處暴流亦順暴流者謂四暴流非暴流非
順暴流者謂無漏法處

五蘊者謂色蘊乃至識蘊此五蘊幾有色等
者一有色四無色幾有見等者四無見一應
分別謂色蘊或有見或無見云何有見謂一
處云何無見謂九處一處少分幾有對等者
四無對一應分別謂色蘊或有對或無對云

何有對謂十處云何無對謂一處少分幾有
漏等者一切應分別謂色蘊或有漏或無漏
云何有漏謂十處一處少分云何無漏謂一
處少分受蘊或有漏或無漏云何有漏謂有
漏作意相應受蘊云何無漏謂無漏作意相
應受蘊想識蘊亦尔行蘊或有漏或無漏云
何有漏謂有漏心相應及心不相應行蘊云
何無漏謂無漏心相應及心不相應行蘊幾
有為等者一切是有為幾有異熟等者一切
應分別謂色蘊或有異熟或無異熟云何有
異熟謂不善善有漏色蘊云何無異熟謂無
記無漏色蘊餘四蘊亦尔幾是緣生等者一

切是緣生是因生是世攝幾色攝等者一是
色攝四是名攝幾內處攝等者一內處攝三
外處攝一應分別謂色蘊或內處攝或外處
攝云何內處攝謂五內處云何外處攝謂五
外處及一外處少分幾智徧知所徧知等者
一切是智徧知所徧知。

此五蘊幾徧知所徧知等者一切應分別謂
諸蘊若有漏是斷徧知所徧知若無漏非斷
徧知所徧知幾應斷等者一切應分別謂諸
蘊若有漏是應斷若無漏不應斷幾應修等
者一切應分別謂諸蘊若是善是應修若非
善不應修幾染污等者一切應分別謂諸蘊

若有覆是染汚若無覆不染汚幾果非有果
等者一切是果亦有果幾有執受等者四無
執受一應分別謂色蘊或有執受或無執受
云何有執受謂自體所攝色蘊云何無執受
謂非自體所攝色蘊幾大種所造等者四非
大種所造一應分別謂色蘊或是大種所造
或非大種所造云何大種所造謂九處二處
少分云何非大種所造謂一處少分幾有上
等者一切是有上幾是有等者一切應分別
謂諸蘊若有漏是有若無漏非有幾因相應
等者一因不相應三因相應一應分別謂行
蘊若諸心所是因相應若非心所因不相應

此五蘊與六善處相攝者有四句或善處非
蘊謂擇滅或蘊非善處謂不善無記五蘊或
善處亦蘊謂善五蘊或非善處非蘊謂虛空
非擇滅與五不善處相攝者五不善處攝五
蘊少分五蘊少分亦攝五不善處與七無記
處相攝者有四句或無記處非蘊謂虛空非
擇滅或蘊非無記處謂善不善五蘊或無記
處亦蘊謂無記五蘊或非無記處非蘊謂擇
滅與三漏處相攝者三漏處攝一蘊少分一
蘊少分亦攝三漏處與五有漏處相攝者五
有漏處攝五蘊少分五蘊少分亦攝五有漏
處與八無漏處相攝者應作四句或無漏處

非蘊謂虛空二滅或蘊非無漏處謂有漏五
蘊或無漏處亦蘊謂無漏五蘊或非無漏處
非蘊如是事不可得幾過去等者一切或過
去或未來或現在幾善等者一切應分別謂
諸蘊或善或不善或無記云何善謂善五蘊
云何不善謂不善五蘊云何無記謂無記五
蘊幾欲界繫等者一切應分別謂諸蘊或欲
界繫或色界繫或無色界繫或不繫云何欲
界繫謂欲界五蘊云何色界繫謂色界五蘊
云何無色界繫謂無色界四蘊云何不繫謂
無漏五蘊幾學等者一切應分別謂諸蘊或
學或無學或非學非無學云何學謂學五蘊

云何無學謂無學五蘊云何非學非無學謂有漏五蘊

此五蘊幾見所斷等者一切應分別謂色蘊若有漏修所斷若無漏非所斷受蘊或見所斷或修所斷或非所斷云何見所斷謂受蘊隨信隨法行現觀邊忍所斷此復云何謂見所斷八十八隨眠相應受蘊云何修所斷謂受蘊學見迹修所斷此復云何謂修所斷十隨眠相應受蘊及不染汚有漏受蘊云何非所斷謂無漏受蘊想識蘊亦亦行蘊或見所斷或修所斷或非所斷云何見所斷謂行蘊隨信隨法行現觀邊忍所斷此復云何謂見

所斷八十八隨眠及彼相應行蘊并彼等起
心不相應行云何修所斷謂行蘊學見迹修
所斷此復云何謂修所斷十隨眠及彼相應
行蘊并彼等起心不相應行若不染汚有漏
行蘊云何非所斷謂無漏行蘊幾非心等者
一非心非心所非心相應二是心所與心相
應一唯是心一應分別謂行蘊若有所緣是
心所與心相應若無所緣非心非心所非心
相應幾隨心轉非受相應等者一隨心轉非
受相應一受相應非隨心轉一隨心轉亦受
相應二應分別謂色蘊或隨心轉非受相應
或非隨心轉非受相應隨心轉非受相應者

謂隨心轉身語業諸餘色蘊非隨心轉非受相應行蘊有三句或隨心轉非受相應謂隨心轉心不相應行或隨心轉亦受相應謂心所行蘊或非隨心轉非受相應謂除隨心轉心不相應行諸餘心不相應行幾隨心轉非想行相應等者想除自性如受應知二隨心

轉亦行相應一行相應非隨心轉二應分別謂色蘊或隨心轉非行相應或非隨心轉非行相應隨心轉非行相應者謂隨心轉身語業諸餘色蘊非隨心轉非行相應行蘊有三句或隨心轉非行相應謂隨心轉心不相應行或隨心轉亦行相應謂心所行蘊除其自

性或非隨心轉非行相應謂除隨心轉心不
相應行諸餘心不相應行幾隨尋轉非伺相
應等者一切應分別謂色蘊或隨尋轉非伺
相應或非隨尋轉非伺相應隨尋轉非伺相
應者謂隨尋轉身語業諸餘色蘊非隨尋轉
非伺相應受蘊或有尋有伺或無尋唯伺或
無尋無伺云何有尋有伺謂有尋有伺作意
相應受蘊云何無尋唯伺謂無尋唯伺作意
相應受蘊云何無尋無伺謂無尋無伺作意
相應受蘊想識蘊亦尔行蘊有四句或隨尋
轉非伺相應謂隨尋轉心不相應行及尋相
應伺或伺相應非隨尋轉謂尋及尋不相應

伺相應心所行蘊或隨尋轉亦伺相應謂尋
伺相應心所行蘊或非隨尋轉非伺相應謂
除隨尋轉心不相應行諸餘心不相應行及
尋不相應伺并無尋無伺心所行蘊幾見非
見處等者一切應分別謂色蘊有三句或見
處非見謂九處及一處少分或見亦見處謂
一處或非見非見處謂一處少分受想識蘊
若有漏是見處非見若無漏非見非見處行
蘊有四句或見非見處謂盡無生智所不攝
無漏慧或見處非見謂見所不攝有漏行蘊
或見亦見處謂五染汚見及世間正見或非
見非見處謂見所不攝無漏行蘊

說一切有部品類足論卷第十六
不出字
交

